



Broj: 27-01/2-30-692/25
Sarajevo, 10.01.2024. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj: 49/05 i 103/21), Ministarstvo za nauku, visoko obrazovanje i mlade Kantona Sarajevo o b j a v l j u j e,

JAVNI OGLAS
za prijem namještenika u radni odnos na neodređeno vrijeme

1. Naziv radnog mjesta:

a) Viši referent za administrativne poslove.....SSS (IV stepen) 1 izvršilac

2. Opis poslova radnog mjesta

Viši referent za administrativne poslove:

Obavlja poslove kancelarijskog poslovanja za organizacionu jedinicu koji se odnose na primanje i raspoređivanje pošte, odnosno akata, zavođenje akata i njihovo združivanje, dostavljanje predmeta i akata u rad, rad sa aktima, razvođenje predmeta i akata, rokovnik predmeta, otpremanje pošte i stavljanje predmeta i akata u arhivu (arhiviranje) i njihovo čuvanje. Obavlja i druge poslove po nalogu ministra i pomoćnika ministra. Za svoj rad odgovara sekretaru i ministru.

U obavljanju poslova koji su u opisu ovog radnog mjesta obavezan je da primjenjuje i unapređuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO:9001.

3. Posebni uslovi za obavljanje poslova radnog mjesta:

Pored općih uslova iz člana 24. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj: 49/05 i 103/21), kandidati trebaju ispunjavati i posebne uslove za obavljanje poslova navedenog radnog mjesta utvrđene Pravilnikom o unutrašnjoj organizaciji Ministarstva za nauku, visoko obrazovanje i mlade kantona Sarajevo i to :

SSS - IV stepen, završena upravna škola ili tehnička škola ili gimnazija, najmanje deset mjeseci radnog staža, položen stručni upravni ispit i poznavanje rada na računaru.

4. Spisak potrebnih dokumenata:

- Svojeručno potpisana prijava na Javni oglas sa kratkom biografijom, kontakt podacima (adresom stanovanja i brojem telefona),
- Uvjerenje o državljanstvu Bosne i Hercegovine (ne starije od 6 mjeseci),
- Izvod iz matične knjige rođenih,
- Svjedočanstvo/diploma o završenoj školi,
- Uvjerenje o radnom stažu, (dokaz: uvjerenje o radnom stažu PIO/MIO sa vrstom stručne spreme)
- Izjava da kandidat nije obuhvaćen odredbom člana IX 1. Ustava Bosne i Hercegovine, ovjerena od strane nadležnog organa,
- Izjava da kandidat u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine, odnosno u Bosni i Hercegovini, ovjerena od strane nadležnog organa,
- Uvjerenje o položenom stručnom ispitu, u skladu sa članom 32. Zakona o namještenicima u organima državne službe u Federaciji Bosne i Hercegovine,
- Uvjerenje ili certifikat o poznavanju rada na računaru.
- Izjava kandidata da daje izričitu saglasnost Ministarstvu za nauku, visoko obrazovanje i mlade Kantona Sarajevo za obradu njegovih ličnih i posebnih podataka sadržanim u dostavljenoj dokumentaciji uz prijavu na Javni oglas, u svrhu i na način obrade ličnih podataka na osnovu zakona ili drugog propisa, a u skladu sa Zakonom o zaštiti ličnih podataka („Sl.glasnik Bosne i Hercegovine“, br. 49/06, 76/11 i 89/11), (izjava ovjerena u općini).

Dokumentacija uz prijavu dostavlja se u originalu ili ovjerenoj kopiji.

Izabrani kandidat će biti dužan dostaviti ljekarsko uvjerenje o zdravstvenoj sposobnosti prije stupanja na rad.

5. Prednost pri zapošljavanju pod posebnim uslovima

Prednost pri zapošljavanju ostvaruju branioci i članovi njihovih porodica, u skladu sa Zakonom o dopunskim pravima boraca-branitelja BiH (*Službene novine Kantona Sarajevo*, broj: 45/12-prečišćeni tekst, 26/14, 46/17, 18/19, 20/20 i 24/20-ispravka), Zakonom o pravima demobilisanih branilaca i članova njihovih porodica (*Službene novine Federacije Bosne i Hercegovine*, broj: 54/19), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (*Službene novine Kantona Sarajevo*, broj: 37/2020 i 27/2021) i Instrukcijom o bližoj primjeni kriterija vrednovanja prema Uredbu o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (*Službene novine Kantona Sarajevo*, broj 38/20 i 28/21).

Napomena* Naprijed navedena lica prednost pri zapošljavanju po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (*Službene novine Kantona Sarajevo*, broj: 37/2020 i 27/2021) ostvaruju ako su na evidenciji JU *Služba za zapošljavanje Kantona Sarajevo* ili su zaposlena na određeno vrijeme ili su zaposlena sa nižom stručnom spremom od one koju posjeduju, za što su dužni uz prijavu dostaviti dokaze i to:

- Uvjerenje o činjenicama iz službene evidencije Javne ustanove „Služba za zapošljavanje Kantona Sarajevo;
- Potvrdu poslodavca o radu na određeno vrijeme i/ili potvrdu poslodavca o radu na radnom mjestu sa nižom stručnom smjenom.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

6. Rok trajanja oglasa i adresa za podnošenje prijava:

Javni oglas ostaje otvoren **15 (petnaest) dana** od dana objave u dnevnim novinama „Oslobodjenje“, „Dnevni list“, „Avaz“, na web stranici Ministarstva za nauku, visoko obrazovanje i mlade Kantona Sarajevo i na Oglasnoj ploči Kantona Sarajevo.

Prijave na Javni oglas sa dokazima o ispunjavanju uslova dostaviti u zatvorenoj koverti putem Pisarne Kantona Sarajevo ili preporučenom poštom, sa naznakom:

Ministrastvo za nauku, visoko obrazovanje i mlade Kantona Kantona Sarajevo
Ul. Reisa Džemaludina Čauševića 1
71 000 Sarajevo
“Komisija za provođenje Javnog oglasa za prijem namještenika - ne otvaraj”

NAPOMENA:

Nepotpune, neblagovremene i neuredne prijave neće se uzeti u razmatranje.

